



30

**QUÆSTIO MEDICA,**  
**QUOD LIBETARIIS DISPUTATIONIBUS,**  
*manè discutienda, in Scholis Medicorum, die Jovis septimâ mensis*  
*Januarii, anno Domini M. DCC. LXVIII.*

**M. HUGONE GAUTHIER,**  
in Comitatu Bari ad sequanam Consiliario Regis Medico, Bibliothecæ  
Facultatis Præfecto, Doctore Medico, Præside.  
*An in Febre Malignâ Balneum?*

I.



**F**EBRIS malignæ nomen apud veteres medicos fere nullum, apud recentiores semper & ubique pleno ore prædicarum, apud clinicos non minimas gignit ambages. Quid etenim illa sit toties decantata febris maligna? quis typus? quæ indoles? quæ causa vere genuina qui curationis modi? An sit genus morbi novum à cæteris quos novimus morbis absolute distinctum? An sit tantum species morbi acuti & etiam per acuti? An tandem sit potius quid morbis cognitis & ubique obviis super additum unde symptomata intenduntur, nova procreantur, æconomia animalis diversimode labefactata pene subvertitur; nondum est clare & distincte definitum. Enim vero scriptores revolve. Nullus prostat de febre malignâ tractatus ex professio conscriptus; silet divinus senex etiam quoad verbum, inter immensa Galeni volumina, vix mentionem reperies. Boerhaavius nullibi quasi de proposito objecto sed per transfennam tantum & datâ occasione quadam verba fecit. Si qui forte tantis & tam eximiis viris audaciores, opus aliquod vel operis partem à febre malignâ denominaverunt, nil de ipsius naturâ & essentiâ, nil de genio & indole propriâ, nil de causâ verè procatharticâ & genuinâ, nil de curandî methodo per indicationes ex ipsius morbi & causarum naturâ petitas, proponunt; sed generalia tantum quæ sæpe sæpius ad rem non pertinent; vel species quasdam potius morbi, quem dixerunt maligni, sive partem pro toto describunt: unde omnes fere morborum species ex putridinis & malignitatis præjudicatâ opinione, denominatas videbis, sub pestilentialis, putredi, exanthematici, epidemici morbi nomine.

Quis in tantâ cognitionum certarum penuriâ audeat nodum quæstionis resolvere? Saltem veri & humanitatis amici est quæ vidit candide exponere. Quid incogniti, quid inexplicabilis, aquo omnia procedunt morbi phænomena, ex toto ipsius tenore, decursu & genio sub esse fatendum est: quomodo agat in producendo morbo & effectibus forte explicare difficillimum; primarias rerum causas felix qui potuit cognoscere: de stricto & laxo, de humorum hypotheticâ quâcumque sincerâ licet ad libitum disputare; tradidit talia Deus disputationi hominum; quædam quidem explicant systemata, sed quicquam demonstrant, & ad praxim non attingunt quidem. Non enim suas habet indicationes ab hypothesi quâcumque,

Medici a seſed tantum ex naturâ morbi idiopatheticâ, ex theoriâ certâ, & phyſicè demonſtrââ, ex affectibus ſolis in ſe & ſuâ cauſâ conſideratis. Hoc porro unum neceſſarium medico ad curandum, agro ad convaleſcendum. Igitur omiſſo quidquid non eſt de febris malignæ naturâ individuâ, omiſſo omni ſymptomate non pathognomonico omnes morbos dictos malignos, non pro totidem morbis ſed pro ſpeciebus generis unius, licet effectus diverſiſſimi eſſe poſſint, collectivè animo concipe, huic applicetur methodus medendi analitica quam ſagaciſſimus in morbis diſcernendis & cognoscendis M. FERREIN demonſtravit in ſuis privatis lectionibus; hic fiat quod in omni morbo licet maxime compoſito & intricato faciendum docuit. Scilicet in principia ſua, in vitia ſimpliciſſima, in partes unde coaleſcit morbus, quem dicis malignum, reſolve: ſi partes forte non noveris, cauſam & ſymptomata in ſe conſidera, ſingularim interroga, & ſimpliciter quid ſibi conveniat, quid agendum natura declarabit. Sic cuique vitio primario, cuique cauſâ, cuique ſymptomati quæ noveris ſimpliciſſima indicatio rei agenda proxima, ex iſplis remedium quali ſpecificum adapter ſimpliciſſimum, hæc inter ſedulo penſitenter, inter ſe comparentur ut quid primo quid ſecundo ordine agendum ſit abque ullo errandi timore ſecure determinetur. Quod pluribus ſatisfacit, cætera non augens, ante omnia præſcribatur. Sic verum à falſo, lucem à tenebris habebit ſagax prudensque Medicus, naturam ſolam interrogans, iſpli ſoli obſequioſus; ſic ſi forte ob perverſam morbi naturam non curat, non levat, ſaltem nocebit minime.

## I I.

**MORBUS** autem malignus, ſi nomen admittas, iſ ſolus dicendus eſt qui è genere acutorum & febrilium morborum cum aliquali virium proſtratione, ſub leviori morbi ſpecie graviora quæque & peſſima quaſi in ſinu recondens, ſubito & ex improviſo diſſundit & explicat. Nil etenim in primo morbi inſultu mutatum apparet nec in pulſu, nec ullo ſe habendi modo. Tamen ſi attendat ad omnia medicus, ſymptomata inter ſe non conſonant, febris intensitati non reſpondent, virium proſtratio major quam foret expectandum, mens ſibi non absolute conſtat; hæc præcipuè in omni morbo qui quid maligni prætereſſe videtur, obſervare licet. Morbus vere anomalus eſt ſolâ ſuâ irregularitate regularis, inconfantiâ conſtans, ex omni claſſe, ex omni ſpecie & genere morborum quaſi depromi videtur, omnium characterem mentiens, nullius vere ſervans intactum; proteiformis morbus vix unquam ſibi ſimilis. Sub eſt quid abſconditum, ut diximus, cujus nos fugit natura à poſteriori tantum cognoscendum, ab ipſo vigent omnia phænomena morbi phafes & eventus; ipſius eſt quaſi de genio graviora producere independenter ab omni cauſâ etiam à febre & à morbi naturâ quem præcipuè videtur affectare, atque, ut verbis veterum loquar, eſt quaſi morbus ſine materiâ. A poſteriori tantum licet ſuſpicari illud abſconditum, quod mutato nomine malignum\* placuit vocare. Ipſius effectus ſine ullâ gradatione, ſive ullo inter ſe ordine, qui in omnibus morbis ſolemnis eſt, ſubito ſeſe manifeſtant. Mentis animique functiones peculiariter labe factæ videtur genusque nervoſum & nervos diverſimode afficere, criſi ſemper terminatur febris huiuscemodi, ſudore, urinis, alvi excretionibus expectoratione, aut quod frequentius accidit, factâ meſtaſti in glandulas inguinum, axillarum aut etiam parotidum; cutis aliqua eruptione, milliali, morbilloſâ, varioloſâ, petechiali; ſæpe etiam paulo ante mortem criſi huiuscemodi inſtituitur malo ſemper omni & peſſimis agri rebus.

Clarioris doctrinæ gratiâ liceat quaſdam ponere differentias, ad quas omnes febris malignæ ſpecies huc uſque obſervatæ reduci poſſint, quantum in re tam obſcurâ potis eſt. Primo loco ponenda videtur quam à diſſolutione humorum dice-

bant veteres, sive à fermento quodam putrido & corrosivo, unde functiones omnes labefactantur, fluida degenerant, solida eroduntur, gangræna, destructio, mors una cum vitali liquido jam lethali facta ubique disseminantur. Hanc sane febrem malignam per se & ex naturâ suâ licet dicere peste pejorem. Huc reduci possunt omnes febres petechiales, sudores sanguinei in quibusdam febris observati; exanthemata mali moris sponte ad gangrænam vergentia, sive ante, sive post mortem erumpant malo semper eventu. Hujus memorabile exemplum mihi communicare dignatus est. M. BERCHER, Decanus noster meritisissimus. Cum in Italiâ propè Regiam Infantem medicinæ navaret operam, juvenis quidam oblatu est febre malignâ decumbens. Ten-pesta anni valde calida erat. Huic lumbago ita dolorifica ut vix topicè administratis narcoticis poruerit sedari; nulla tunc saburæ signa apparebant. P. stydiè verò maximè spissa os & linguam obducebat crusta flavescens & alba, apparuere in fronte exanthemata crocea potius quam rubra quæ evanuerunt. Misso sanguine, administrato tartaro stibiatu, acidis etiam mineralibus propinatis, quasi curatus omnibus visus est: dum sequenti die eadem universim corpus occupavit eruptio modo dicta cum maculis rotundis, lenticularibus & gangranodais, quarto morbi die omnia ad venæ sectiones instituta vulnera, simul & de repente aperta sunt & erumpente sanguine ex omni parte ore, naso, ipsorum ora, quasi corrodii videbantur, nec cohiberi potuit sanguis ita ut hæmorrhagiâ è brachio, pede extingui potius quam morbo visus est.

2°. Huic adjungemus quæ à coagulatione fieri dictæ sunt febres, sive à veneno quodam glutinoso, semper tamen nihilominus æri, glandulosas partes peculiariter affectante, fluida condensante, stringente solida; hinc circulatio minor, pulsus depressus, parvus, profundus, degeneraciones, stagnationes plus minulve promptæ, solidorumque quasi aëria, unde repelli stagnantia non possunt, arteri spissiora fluida. Huic fortè epiala Galeni vel sudorica accensenda est sicut & pessilentialia omnes dicti morbi à citâ devastacione, imo & pestis ipsa, omnesque febres cujus crisis fit in glandulis sive parotidibus, sive inguinalibus, nisi has mors citior prævertat.

3°. Quæ ab alimentis, aere, contagio volatile quoddam miasma habent, unde pluribus communis epidemica dicitur; per urinas, sudores critice solvitur ordinario. Cerebrum & nervos non de propriâ suâ indole, sed quasi decubitu aut nervorum communicatione afficere videtur; forsan etiam humores in primis viis nidulantes quascumque acres, biliosas, verminosas pro causâ cognoscit, nervisque mediantibus successu tantum temporis & morbo progrediente, omnes functiones potest prævertere, destruere ad interuccionem usque; eruptioque cutanea vix unquam salutaris, sed sæpe sapius mortis prænuntia est, vel post mortem tantum apparet cum citâ cadaveris corruptione.

4°. Quæ fit à cerebri phlogosi & inflammatione, huc omnes nervosæ dictæ febres referendæ sunt, hujus enim de essentiâ est nervorum affectiones quascumque etiam excitare contrarias, sic sensationes, distractiones, deliria, phrenitides, subultus tendinum, torpores, commotiones lethargicos paralyticos affectus & alia id genus innumera quæ, posita semel generis nervosi irritatione, fieri possunt; sæpe etiam sub pleuritidis, hepatidis, peripneumoniarum, intestinorum inflammationis, incautos fallit medicos, dum hanc vel illam nervorum originem, nervos huic vel parti prospicientes irritant.

5°. Quæ fit à retropulso viru quocunque, puta miliari, varioloso, scabioso, herpetico, quod vidi in viro quodam moribus & vitâ verè ecclesiastico, huic à pluribus mensibus herpes exedens & valde pruriginosus membra fere universa depascebat corpus & animam agrippinâ ferè continua fatigabat, subitò malè suasis remediis cutis ubique alba & illibata fit cum delirio ardore febrili, tendinum subultibus, sensuum

omnium sopore, mentis alienatione & omnibus ex quibus febrem malignam dictam adesse norunt & dicunt. Idem forsitan dici posset de omni humore acri heterogeneo, qui intus latens, ad cutem appellare tentat & non potest, sive sit in corpore genitum aut adventitium, sive etiam à materiâ putri in primis viis latente, quæ ad sanguinis alveum depositatur liquidorum, venæsectionis abusu, aut intempestivâ applicatione topicorum, sive à retentis excernendis, aut resumpto pure è quodam viscere, sive etiam viru scrophuloso & etiam arthritico, rhumatismali ubi semel mediante febre in motum agentur & volatilitatem, acredinem, ad nervosum genus irritandum accommodatas acquisiverunt.

6°. Quæ sit ab ardore febrili solo, cum diffatis liquidissimis sanguis magis ac magis attenuatur, serum in concretionem vix resolubilem tendit, per validum attritum ad vasa tenuerrimos canales destruit, nervorum pulposa stamina pungit & irritat, sales & olea expedit & attenuat, acriora reddit, movet & exhalat. Hinc omnia humorum putridæ degenerationis signa, omnia denique febris dictæ malignæ symptomata, quæ maximè circa quartum aut quintum diem subito se manifestant. Hæc non per se, sed per accidens maligna dici debet & forsitan à curâ malè ordinatâ, ægri aut astantium incuriâ, calidorum alexpharmacorum & id genus remediorum sit abusu. Mic referenda maxima pars morborum quos sive ab imperitiâ sive ab ostentatione, ut plus præstuisse videantur, clinicis hodiernis quos fecit fors & audacia, placuit maligni nomine insignire, cujusque fabricatores sunt, quique nil nisi maligni, nil nisi putridi, (licet utrumque non sit confundendum) videntes, ex hac falsâ hypothefi operantes morbum pessimum, mortem operantur. Sæpe in solo paroxismo sese manifestant gravia quæ accidunt symptomata, prout fibra erit vel tensa nimis vel irritabilis & delicatula, timor & animi affectio morosa vel vivida apprehendit, ut in vaporosis & hypochondriaciis accidit facile, & de plano cerebrum afficitur, unde convulsionis omne genus. Hæc multò majorem adhuc habent efficaciam, si æger in locis humidis, carceribus, cum tadio, mœrore, vitam degerit aliquamdiu, vel stante à meridie vento, simul humidum & calidum ubique aflaverit, tunc motis febre fluidis, laxatis solidis, maxima adest ad putridam indolem dispositio, & inde omnia quæ inde sequi possunt mala, ubi semel febris advenerit, quæ vires acquirit eundo.

#### III.

**J**A M supra innuimus febrem dictam malignam, id est, cui inassueta & gravia accidunt symptomata, non esse morbi genus à febre ipsâ distinctum, sed potius febris ipsa quæ sub levissimorum symptomatum specie pessima quæque minatur, & quasi de longinquo meditatur; cujus effectus si curiosius examinentur, intensiores sunt, quàm febris ordinariæ competit: cujusque intensitatis causa eodem recidit ac ipsius febris causæ proximæ, scilicet sanguinis motus acceleratus, & vasorum maximè capillarum eretismus; licet ipsa causa proxima unde omnia hæc intenduntur, & mos quem febris ipsa videtur affectare, nos absolute lateant saltem quoad naturam. Ut autem effectus primarios & proprios dictæ febris malignæ agnoscas ipsius febris effectus, in gradu intenso sunt considerandi, & etiam gravissimo supponendi. Porro cum febris alii aliud sit quàm frequentior cordis contractio cum tensionem quadam, sive erethismo quodam in omni genere vasculoso, truncis scilicet & capillaribus. Duo ergo præstat necessariò febris, nempe acceleratum sanguinis motum & in solidis tensionem quadam, sive hæc à plethorâ ipsâ fiat, sive à constrictione solâ generis vasculosi quæ quasi pro spasmii principio, sive primo gradu est habenda, cum à fluxu spirituum inordinato sit, & insuper contra ipsam naturam. Ex his duobus plura sequuntur necessariò & primariò, sanguinis & vasorum in se mutuò attritus, unde totius corporis calor magis ac magis intensus, sanguinis exsiccatio, diffusâ parte serosâ & quæ fuerit magis attenuatâ; ejusdem proinde viscositas

5

& immeabilitas, unde obstructions in minimis vasis, stases inflammatoriæ & tandem, continuatâ vi cordis & vasorum trulivâ, gangrenodæ; resolutio cruoris in sales & olea valatiliora, unde vasorum ruptiones, hæmorrhagiæ, petechiæ, vibices, & putrida quæcumque aut maligna si volueris; plethora mora & vera, sensus plenitudinis, lassitudinis, sensuum mentisque ipsius torpor, anxietates, inquietudines, lumbagines: ab erethismo pulsus durus, renitens, secretionum ferè omnium diminutio, abolitio, quandoque urina limpida minimè cocta, maximè si erethismus ille, de quo dicimus in vasis minimis infideat sive capillaribus; unde debilitas absque causâ evidenti & ab ipso morbi præludio, virium resolutio, sitis nullo potu temperanda, agripnia, dolor capitis gravativus, lingua sicca quasi sulcata & adusta, nigro obducta sedimento, cutis arida, ad tactum ardens, salivæ inopia & oris crassities, anhelationes oppressivæ, nausæ, vomitus biliosi, æruginosi, virides, animæ fætor, bilis miorax & exaltata sæpe in liquamen olidum calore loci conversa, urina pauca acris, graveolens, stranguriola, sudor quid cadaverosi exhalans. Hæc ubi per aliquot tempus duraverint, vel etiam multis ad eundem scopum concurrentibus causis intenduntur; fluida jam quid putridi & corrosivi adepta, omnia destruant, mortem, non vitam disseminant ubique, serum calore adurenti in materiem immeabilem & irresolubilem compactum, brevi in ipsâ viscerum substantiâ hærebit, unde variorum morborum formam induet, illudque fit quod dicimus malignum. Si in pulmonis vasa anfractuosa steterit, peripneumonias, pleuritides, asthma, tussis paroxysmos mentietur, si intra venæ portarum dedalæas ambages, hepatides, dysenterias, colicos dolores, alvi fluxus serofos & terminofos; si verò meninges, cerebellum, nervorum origines tentaverit illud absconditum à quo omnis malignitas, tunc aderunt tremores, deliria, phrænitides, paralitici, comatosi affectus, motitatio linguæ, subsultus tendinum, digitorum manuumve motus inconditi, suspiria longa involuntaria, anxietates, illudque semper promiscuè & absque ullo ordine & gradu. Quid plura mens aliena, convulsiones omnis generis & ex his infinita quæ sequi possunt; nam ubi læsum vel in motum actum etiam à levissimâ & inexplicabili causâ supposueris genus nervosum, pessima quæque & inaudita, imò sæpè & contraria simul expecta; nec explicare tentes, nam supra rationem mentis & corporis commercium, sicut & hujus læsiones & functiones. Hinc facillè concipitur quomodò febris quæ primo intuitu nil habet quod reformides acuta & etiam præcuta, putrida & quasi pestifera fieri possit ex se & absque ullâ maligni miasmatis suppositione; minimèque ad malignum, putridum aut contagiosum recurrendum esse ad explicanda febris malignæ phenomena; nam ut rectè Helmontius quidquid in sanis edit actiones sanas, idipsum in morbis edit actiones vitias & depravitas, eoque certius & promptius, quo intentiori gradu vigeant cause febrim producentes, & inde primariò calor secuturus. Hincque concludere pronum est quam citò efficacissima ad ea debellanda adhibere necesse sit, ne fortè cum principiis non obstitieris illico & fortiter, propter temporis angustias, occasionem præcipientem ferò medicina paretur, cum mala per longas convaluere moras. Quanam illa sint efficacissima, si fortè quæstieris ex naturâ rei intelliguntur, sicut ex dictis, scilicet, quæ potentissimè, promptissimè, efficacissimè omni causæ, omni symptomati, omni principio occurrunt, etiam abscondito fluida diluendo, laxando solida.

#### I V.

**P**ORRO inter innumera quæ huic scopo possunt conducere, putà potùs aquosos copiosissimè haustos, fomenta, fatus, pediluvia, balnea vaporosa, clismata omni horâ reperita, nullum certè tuiorem, citiorem, efficaciorum sortiri effectum potest, quàm balneum. Modò didicim vires & facultates possider, promptius agit, omnibus providet, omnium bonos effectus promittit & dat, nullius incommoda potest habere modo eo modo usurpetur quo suos præstare potest effectus salutiferos, nempe ubi



omnibus quas offert morbi compositio indicationibus satisfacere tibi visum fuerit, nec ab ipso quid timendum esse. Ut autem probetur quanta possit balneum ad febris dictæ malignæ ferociam domandam, naturam debellandam, lenienda symptomata, causas destruendas, sanitæ in restituendam tutò, citò & jucundè absque ullo recidivæ metu & convalescentiâ longiori paucis accipe.

Inspirabile & expirabile totum corpus agnovit Hyppocrates, unde corpus vel corporis pars liquido immergi non potest, quin per vasorum extrema omni ex puncto hiantia liquorem hauriant contiguum & in cavum suum attrahant eoque magis quo vasculis simul laxatis major vis vitæ redierit seu vasorum tonus antea oppressus vel debilitatus, canales enim ex se & naturâ suâ flexilibus minus resistunt liquori appellenti, quo latera eorumdem minus resistunt, hinc laxatio minimorum vasorum efficit ut fistulæ tenuissimæ resorbentes facile tradere possint absorptum semel liquidum majoribus ramis. Dum quidam cursu fatigatus vel sub sole ardenti iter consecit, squallidum corpus, os aridissimum habet, siti excruciatum continuâ, membra quasi fracta & pondus inutile trahit; mirum quomodo post balneum litis illico exinguitur, os humectatur, totum corpus molle, humidum, agile & ad omnia promptum & expeditum fit. Quantò autem hæc felicius & promptius succedere debent in febre quam liquidissima diffilare, ex quâ solida compingi, ardescere, fluida picea & immeabilia fieri diximus; namque corpus siccum & a idum sed simul ex omni parte bibulum quam avidissime attrahit & absorbet contiguam suæ superficiem aquam. Porro in tali casu rite purgato & evacuato corpore prudenter depletis vasis non dubitamus affirmare omnem paginam ad implere balnea maximeque in casu urgenti & precipiti, ubi forsitan tardius lenientia externa & interna, diluentia, emollientia segnius & tardius agerent, potus ejusdem prolapix insufficienter adhiberentur, dum eos æger non sui compos respicit pertinaciter vel saltem eâ quâ oportere quantitate non sorbet, sive horum fastidio, sive etiam quæ gravant stomachum, difficileque digeri possunt. Morbi igitur naturæ, effectibus primariis sicut & secundariis, causisque omnibus efficacissime occurrunt balnea. Nostri diluens & laxans efficacius promptiusque aquo nil timendum sit ex usu? dic amabo? si fibrarum sedat erectissimum, motum sanguinis acceleratum temperat sanguini & humoribus, dum se inter ipsorum partes intimiores insinuat, nativam restituit fluiditatem, eorum immeabilitatem & irritabilitatem tollit omne acre enervat & obtundit; organa secretoria nimium contracta sic laxat, ut sua facilius transmittant liquida, secretiones proinde restituit; sudori, salivæ, urinæ, mucò quovis vehiculum præbet; ut commode per ejusmodi vias nocitura exire possint de corpore; crisi futuræ & necessariæ, ubi semel de maligno constat, locum dat, quæ materia morbifica vel è corpore eliminatur vel saltem bono ordine ad cutis poros divertitur. Imperum & copiam sanguinis à capite derivat & avertit, venæsectionem, si forte initio morbi fuerint omissa, vices supplet, vel ubi, per vires ægri non licet ea quâ par esset proportionem celebrare. Calori ariditati occurrit mala omnia futura & præsentia prævertit & tollit. Sic theoria, sic natura ipsa balnea repetunt quasi remedium omnium præsentissimum, quodque etiam confirmat & approbat experientia rerum magistra. Anno 1765, à familiari quodam meo ad cognatum suum accessit qui feбри malignâ decumbebat. 17<sup>m</sup> annum ætatis, morbi vero diem decimum-quartum agebat. Illi delirum serox & quandoque per intervalla sub obicurum, subsultus tendinum quales nunquam inveni crebriores, cutis ad tactum ardens erat, pulsus durus parvus & profundus, anxietas. Vacuantia & venæsectiones omissa usque tunc erant, licet narium hæmorrhagiâ à morbi exordio fuisset vexatus; medici enim vices apud ægrum egerat quidam qui ægrum absque venæsectione se curaturum promiserat. Consilium ante omnia expeto vocatur M.

LE THIEULLIER, ex Decanus noster (cujus diu meminisse juvabit) de sectione saphenæ, vesicatoriis ad furas, copioso seri lactis stibiati ad granum unum pro potu clismaticibus repetitis sermo est; hæc illico præsto sunt, sed fere incassum; ne cutem quidem attingunt ampla vesicantium emplastra, succedebant nilominus copiosæ alui dejectiones nullo cum levamine; venæsectionem è jugulo celebrari jubeo, sedantur ad horas symptomata, noctem minus inquietam sed infomnem transigit; hæcque brevi evanescunt solatia: furor delirium excipit, custodem ictibus afficere tentat, tandem nec fui nec mentis compos potum omnem respuit. Quid agendum? Venæsectiones non permittebant vires fractæ, pulsus parvus & vacillans, frustra que tentata sunt quacumque in tali casu efficacissima docuit experientia. Fratri mortem proximam denuntians, balnea quasi spem ultimam suadeo, tpondens nil esse timendum ab eis in presenti casu, multaque & optima speranda esse modo per tempus, liceret effectum suum fortiri. Periculum in morâ consilium vocare non permittit, spem omnem suam in me libenter remittit, paratur Balneum. Intereundem obviam occurrit M. LE THIEULLIER, qui ægrum jam viderat, res ut se habebant, mentemque meam expono; placent Balnea, tamen de prudentiâ esse dixit ob extremum ægri discrimen semi-balneum pro primâ vice tentare; in semi-balneo igitur deportatur delirans, furens, moribundus. Vix aquam sentit dum omnia quasi de fascino sedantur, totus in natandi voluptate; natatoris in morem pede, manu aquam agitat & ipse in superficiem fertur, ex aquæ murmure assidere sibi voluptatis socium autumat, huic alloquens hortatur ut secum in plenum fluminis alveum, in quo se natare dicebat, progredierentur, ibique demonstraret quantâ solertiâ & agilitate supraventrem, dorsum aut latera nataret. Post semi-horam lecto reponitur, remanet tranquillus sed infomnis. Astantes ipsi multo majora adhuc sperantes ad horas vespertinas balneum requirunt, confidens ego libenter assentio. In Balneum integrum per horam & semis immergitur æger nondum sibi redditus, delirans sed non furens. In ipso balneo per semi horam dormit, quod nondum fecerat à primâ morbi invasione, absque somno sed pacatam tamen noctem habet: valde mane novum, quod jusseram, balneum paratur & horâ septimâ dum inviso, lectum repetentem invenio, absque ullo fere tendinum subsultu, cutis humidiuscula visa est, urinæ fluere ceperunt. Mannæ uncias duas & semis præscribo cum sero lactis stibiato pro potu. Interea vocantur MM. BOURDELIN & LE THIEULLIER, uterque ex-Decani nostri meritissimi; licet res multo melius se haberent quam nudius tertius, ut testatus est Magister LE THIEULLIER, tamen ægrum in maximo versari discrimine, febremque exquisitam malignam pronuntiant omnes uno ore; è saphenâ mitti sanguinem proponitur & illico celebratur. Unde non omino mens redditur, ægerque licet præteritorum immemor, Balneum quartum enixe exorat, vix ex eo egressus est cum mentis absolute compos divina ecclesiæ sacramenta requirit. Per noctem pluribus somni horis recreatur, pro potu sero lactis stibiato utitur, decrevit febris, effugit omne grave symptoma, die morbi vigesimâ purgatur, ut die vigesimâ-primâ posset quiescere, si quid forte critici accideret, expectans. Circa meridiem optime se habens è lecto in sedile longum deponitur duobus munitum grabbatis, quæ oborto sudore copioso transudat, ita ut horâ decimâ ferotinâ lecto restitui potuerit. Sic exinde omni periculo vacavit & potuit ante decimum quartum morbi diem patriam, charidissimoque parentes integrâ fruens valetudine reperere. Anno subsequenti ad puellam 12 annorum natam: 9. morbi die vocor, nec venæsectiones nec purgantia omiâ fuerant, pulsus vere nullus, mollis & parvus, in paroxismo solo pejus se habebat, obscure delirabat, subsultus tendinum quidam erant. Sed imprimis sopor quasi apoplecticus obruebat, tussis importuna & sicca vexabat, incipientia, stibiata fere frustra in ulum vocantur; balneum propono, toto ore & oculis

stant Chirurgus & astantes. Quatuor tamen intra totidem dies experitur, non eo tamen successu evidenti quo in primâ observatione, donec insciâ etiam agrâ erumperet quasi urinae torrens unde ipsum inundarentur lectum & cubiculum, sic exinde curata fuit, remansit tamen febricula quâdam quæ ad hæticam vergere quasi meditabatur, sed vixit & vivit optinâ fruens valetudine.

## V.

**N**ON deerunt forsân qui calumniâ inferant, quasi in animâ vili voluissim, adhibito remedio novo & apud authores inaudito, apud clinicos fere huc usque inexperto, tentare experimentum. Absit! Morbi natura indicabat, suadebant cognitæ balnei proprietates, noxæ quin etiam balnei nil ab eo timendum spondebant, suffragabantur felici successu in variolis male erumpentibus præscripta balnea; agrorum curatio dum insciis custodibus, in aquam, ut se offert, sese projiciunt, jubet & insuper ratio anceps potius quàm nullum adhibere remedium. Instabunt: præmitur balneo superficies corporis, unde sanguis, materia etiam morbifica ad intus, pessimo omine repelli potest, & metastasi vitalia viscera afficere. Esto si antea non fuerint depleta sufficienter vasa, quod ubi factum est non solum nil ab eis timendum, sed contra omne bonum expectandum est, cum diluto sanguine, laxatis vasis, ad superficiem corporis peccantes humores deerminantur, aperiuntur pori cutanei, datur locus transpirationi vigilantissimæ sanitatis tutrici, criticis eruptionibus urinae, sudori, quæ ubi levantur symptomata, semper fiunt cum prosperis ægri rebus: nil pectori nec capiti imminet ex balneo, cum in secundâ observatione quasi affici videretur pectus, & ex balneo liberatum fuit, nec ad caput liberandum præsentius potest inveniri remedium & quidem ferè illico; sed ad summum id efficeret quod ligatura in venæsectione quæ non minus inde à clinicis melioris notæ præscribitur; ne ergo balnea vituperes cum promptiora & majora dant laxando & diluendo in febre malignâ, nullamque vim naturæ inferunt, morbo sublatum sanitatis æquilibriū restitunt; natura, depulsis hostilibus armis, sibi redditur, ut ipsa sola, quod videbitur, loco & tempore agat; quid ergo à tam providâ medicatrice non sperandum? Cum ergo Theoria & experientia sibi mutuas ferant suppetias circa balneorum usum & utilitatem in febre malignâ, quid vetat quin concludamus.

*Ergò in Febre Malignâ Balneum.*

**DOMINI DOCTORES DISPUTATURI.**

*M. Stephanus D'HUAME, Scholarum Professor designatus.*

*M. Natalis-Nicolaus MALLET.*

*M. Natalis-Maria DE GEVIGLAND, Regiorum in Germaniâ Ducum & Militum Nosocomiorum nuper Medicus, necnon Chirurgia Professor.*

*M. Josephus DUSSANS.*

*M. Franciscus-Ludovicus THOMAS D'ONGLÉE.*

*M. Franciscus-David HERRISANT, Regiæ Scientiarum Academia, Regiæque Societatis Londinensis Socius.*

*M. Joannes - Armandus ROUSSIN DE MONTABOURG, Scholæ Professor,*

*M. Guillelmus FUMÉE,*

*M. Carolus-Franciscus BOUTIGNY DESPREAUX.*

Proponebat Parisiis FRANCISCUS-MARIA LE MOINE, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1768,

A SEXTA AD MERIDIEM.

Typis QUILLAU, Universitatis & Facultatis Medicinæ Typograph.